

7. ԱՍՏՈԾ ՈՂՈՐՄԱԾ Ա / Հայ ժողովրդական հեքիաթներ, Հատոր VIII / Գուգարք (Լոռի), Լոռու բարբառ (խոսվածք)

Ըլում են, չեն ըլում՝ էրկու զարգյար. մինը՝ հայ, մեկելը՝ ջհուդ: Սրանք մի քաղքում իրար կշտի բանելիս են ըլում: Հայը մի քյասիք մարթ ա ըլում, հմա աստծու ճամփին: Ամեն թիգուն-ռավոտ աղոթք անելիս ու ասելիս ա ըլում. «Աստոծ ողորմած ա»:

Ինչ քամբախտութիւն էլ նրան ռաստ գա, էլի չի մտահան անում իրա խոսքը, թե. «Աստոծ ողորմած ա»:

Ջհուդն ուզում ա, որ մի հանքով հայի գլխին մի փեթերակ բերե ու տենու, թե էնդով էլ միտը կպիե իր «աստոծ ողորմած ա»-ն թե չէ:

Մի դոնում թգավորն ուզում ա մատնուք շինել տա ու կանչում ա մեր հայ զարգյարին:

Թգավորը տալիս ա նրան ոսկի, էրծաթ ու անգին քար:

— Է՛ս քե ոսկի, է՛ս քե էրծաթ, էս էլ քե անգին քար,— ասում ա թգավորը,— վե կալ ու իրեք օրի վրա թե մատնուքը բերիր՝ խիստ լավ, թե բերիր ոչ՝ լավ իմացած կաց, որ գլուխդ ուսիդ տուն չես գնալու:

Ջարգյարը գլուխ ա տալիս թգավորին, վե կալնում ոսկին, էրծաթն ու անգին քարը, տուն գալի: Ուստեն գալիս ա դուքանը, էդ բաները դնում դագգի վրեն ու աշկերտին ասում. «Լա՛ւ օրոն արա, աչքիդ լսի պես պիե, հեչվելը եդ գամ. թե որ մի բան կորել ա սրանցից՝ թգավորի սուրն ա՛ մեր գլուխը»:

Դու մի՛ ասիլ ջհուդը իր դուքանից անկաջ ա դնում, իմանում, ինչոր նրանք ասում են: Բուսու ա պիում, հենց որ ուստեն հեռանում ա, նա տուն ա մտնում, աշկերտին զրցով անում, նրան թըրսմորում, անդին քարը վե կալնում ու դուս գնում: Աշկերտն էդ բրավրդ չի անում: Շատ ա անց կենում, թե քիչ, ուստեն եդ ա գալիս ու ոսկին ու անգին քարն ուզում: Աշկերտը տալիս ա ոսկին ուստին, հմա անգին քարը՝ ինչ զադար ման ա գալիս, գդնում չի: Է՛ս պուճախ, է՛ն պուճախ, դե՛ս անգին քար, դե՛ն անգին քար, չէ՛, կա ոչ: Եր տուն ու դուռ մանդալեն չաններուն հասնում ա, ուստեն մելնումուդարեն աստծուն ա անում ու ասում, «Է՛հ, աստոծ ողորմած ա»:

Ջհուդն էլ մթա թե դրդարար ա լիս ընգնում, գալիս ա մին-մին նրա դուքանը, ախ ու վախ անում ու սրտումն ուրախանում: Ջհուդը տանում ա անգին քարը գծում անտակ ծովի մեջը: Հենց ջուրը գծելն ևետ մի ձուգը կուլ ա տալիս էդ անգին քարը: Մի թոռչի ա ըլում ծովի ափին, թոռը գծում ձուգը բռնում, բերում ա քաղաք ծախսելու:

Խեղճ զարդարն էլ ամեն տեղից մելումուդարին կտրած, տենում ա, որ վրա իրեք օրն ա, որդիան որ ա, պետք ա թգավորի մարդիքը գան ու իրան տանին, որ գլուխը տան, հվաքում ա իրա հրևաննուն ու բարեդամնուն, մի լավ սուփրա սարքում, որ մի լավ քեֆ անեն իր եղի օրին: Ամեն բան առած ա ըլում, աստծու անհատ բարին վեր ա բերում սուփրում, հմա թաժա ձուգը չեն ունենում: Հենց էդ սիաթին ճամփեննի մի ձուգը ծախող ա անցկենալիս ըլում:

Ախչիկը որ տենում ա, ասում ա մորը.— Նա՛նի, նա՛նի, իմ հերը ամեն բան առել ա, մենակ թաժա ձուգն ա պակաս, արի՛ թաժա ձուգն էլ առնունք:

Ձուգն առնում են, փորը ճղում, լվանալիս տենում են, որ անգին քարը ձգան փորումը: Էս որ տենում են մեր ու ախչիկ՝ ոտներուն տեղիցը կտրվում ա:

Ախչիկն ալախ-մալախ վագում ա, ընգնում հոր խտիտը.— Աստո՛ծ ողորմած ա, ապի ջա՛ն, աստո՛ծ ողորմած ա:

— Աստո՛ծ ողորմած ա, որդի՛ս, եթե ես մեռնելու ըլիմ, ողորմած աստոծը քեզ հերութին կոնե. մեկին աստոծ ո՛չ կորցնե, բանդեն ի՞նչ պտի անել:

Զարգյարը տուն ա մտնում, ի՛նչ տենում՝ իր կնգա ձեռին անգին քարը: Խելքը գլխիցը թռչում ա, ուզենալիս չի ըլում, որ աչքերին ու ընգաջնուն հվատա: Հմա որ անգին քարը շափաղ-շափաղ ա անում, բեգնակի պես փելփիլին տալիս, նոր հվատում ա ու ջնաթաթախ «աստո՛ժ ողորմած ա» ասում:

Ծնգնահացը դառնում ա հրսանքահաց: Ուտում են, քեֆ անում, աստծուն փառք տալիս: Ուստեն սաղ գիշերը միալար բանում ա. էգսի օրը մատնուքը հազիր անում ու տանում թգավորի ամարաթը:

Զհուդը որ էդ բանը իր աչքովը տենում ա, մնում ա մայիլ էլած: Վերջը գալիս ա հայ զարգյարի կուշտը, մեղքը խոստովանում, թե՛ բաս չես ասիլ, ես եմ անգին քարը վե կալել ու անտակ ծովը գձել, հմի տենում եմ, որ ձեր աստոժը ողորմած ա: Զհուդը մկըրտվում, դառնում ա հայ, հեչվել իրա գերեզմանը մտիցը գձեր ոչ, թե. «Աստոժ ողորմած ա»: